

JANYUWARI 2020

24-hour Emergency 028 313 8000/8111
Fire Brigade 028 312 2400

Bulletin

Incwadi ethunyelwa amalungu e-Bhunga le Overstrand esesikweni

IBLUE FLAGS YASE-OVERSTRAND IPHEPHEZELA NGOKUZINGCA!



IBLUE FLAG YAPHAKANYISWA OKOKUQALA KWICASTLE BEACH: IBlue Flag yaphakanyiswa ngokusesikweni kwiCastle Beach ngolwesihlanu umhla wama-29 kuNovemba 2019, inika olu nxweme imvume yokubalelwa kwiqela elikumgangatho ophezulu lwamanxweme. Kumsitho wokuphakanyiswa kweflegi, uSodolophu wesiGqeba wase-Overstrand uDudley Coetzee ubulele bonke abachaphazelekayo ngeendima ezahlukeneyo abathe bazidlala ekubeni kufumanekeni enye IBlue Flag ye-Overstrand. Abasemfanekisweni apha kunye noSodolophu kunye noCeba Riana de Coning noAndrew Komani onguMlawuli woMmandla waseGansbaai uKat Myburg, umququzeleli weBlue Flag uLauren Rainbird, uMlawuli woKhenketho waseGansbaai uGlenda Kitley, umongameli ophezulu oligosa lonyanzeliso lomthetho uTony Blankenberg, amalungu eGela le-Working for the Coast, abasebenzi bokusebenza baseGansbaai, amalungu ekomiti yewodi kunye namanye amaqela anomdla awahlukeneyo.

iinkonzo zohlangulo lobomi nezokhuseleko ziya kusebenza ngokuphelelelo phakathi kwentsimbi yesi-09:00 neye-18:00 kula manxweme angasentla.

UMasipala usebenza ngokusondelelo neWESSA (Wildlife and Environmental Society of South Africa) ukuphucula imimandla ejongene nonxweme kunye namaxweme akhe. Iwonga keBlue Flag yingqinisekiso yehlabathi yokwamkeleka yaye umasipala kufuneka enze isicelo rhoqo ngonyaka ukuhlaziya iwonga lamanxweme akhe. Amanxweme eBlue Flag kufuneka ahambelelwa kwiinqobo zokukhetha ezingqongqo, ezingxabalaze kwimimandla emine yolawulo lonxweme. Imimandla emine kukulunga kwamanzi, imfundo yendalo, ulawulo lwendalo nokhuselo. Eli limesha le-19 outhu uNcweme lweGrotto lwfumanisa iwonga leBlue Flag, ngeli thuba iHawston neKleinmond aphephezelise iiflegi zawo ithuba le-14.

Umhla woku-1 kuDecemba 2019 uluphawu lokuqalisa kwexesha leBlue Flag e-Overstrand kunye neGrotto, Hawston, Kleinmond kunye neCastle Beach wokubhengezwa ukuba avuliwe kulungiselelwa ihlobo.

Njengoko kulindelekile, umsitho wokuphakanyiswa kweflegi wazinyaswa ngabachaphazelekayo abahlukeneyo kunye namagosa azingcayo kakhulu ngento yokokuba umasipala egcine iwonga njengoko kungqiniwe lihlalathi okokuba i-Overstrand yindawo esemgangathweni olungileyo yokufikela. Abahlali kunye nabachithi bekhefu ngokufanayo bangazonwabisa ngamaza benolwazi oluqinisekileyo lokokuba bakhuselekile yaye baya kufumana izibonelelo ezilungileyo.

Iwonga leBlue Flag liya kuhlala de kube ngumhla we-15 kuJanyuwari 2020 kwiHawston nakwiKleinmond. Kwimeko yeCastle Beach ePearly Beach ethe yafumana iwonga leBlue Flag okokuqala apha ebomini bayo, iBlue Flag iya kuphephezela de kube ngumhla we-11 kuJanyuwari 2020. IBlue Flag yaseGrotto iya kuhlala iphephezela de kube ngumhla wama-31 kuMatshi 2020.

UNcweme lwe-Onrus lunikwe iwonga leBlue Flag elilingwayo okokuqala, yaye uhlolo lwamanzi luya kwenziwa phakathi komhla woku-1 kuDisemba 2019 nomhla we-15 kuJanyuwari 2020. Ngokuhambelana noku kungasentla,



Kuphakanyiso kweBlue Flag eKleinmond ibingaba (ngasemva ukusuka ekhohlo ukuya ekunene) ngohlangula ubomi uRodrigo Majiet, igosa elinyanzelisa umthetho uReginald Smith, uMlawuli woMmandla waseKleinmond uDesmond Lakey, ooCeba beWodi 10 kunye nabeWodi 9 uFanie Krige kunye noGrant Cohen, umphathi weKleinmond Blue Flag uDencil Arendse kunye noCeba uCharmaine Resandt. Ngaphambili ngabahlangu ubomi uNiezamoedien Trollip, Mloni Julia, Nhlahlaha Maphumulo, Raziel Henkeman kunye noRiyaad Isaacs.

Abantu abakhubazekileyo banakho ukusebenzisa iinqwelo ezinamavili zonxweme eGrotto naseKleinmond.

Abanini bezinja abasebenzisa amanxweme ase-Overstrand athe afumana iwonga leBlue Flag kufuneka ahloniphe iimfuno zeBlue Flag ngeli thuba. Abanini bezi zilwanyana zasendlwini bayacelwa ngokunjalo ukuba bangaligqumeleli lindle lezinja esantini okanye balilahle elwandle, kodwa mabaliqokelele ze balilahle ngendlela efanelekileyo nenempilo.

IINOMBOLO ZE-AKHAWUNTI YEBHANKA

Nceda qinisekisa okokuba usebenzisa inombolo elungileyo.

Umthetho unyanzelisa umasipala ukuba ahlaziye ithenda yakhe yeenkonzo zokubhankisha rhoqo emva kweminyaka emihlanu. INedbank yayinikwe le thenda bjengoko ifezekise zonke iimfuno zethenda, kubandakanywa nemirhumo yokubhankisha. akuxhomekeke kuhlobo lwentlawulo eyenziwa kumasipala, ezi nombolo ze-akhawunti zilandelayo ziyasebenza:

Ii-Akhawunti zikaMasipala (imirhumo neerhafu)

→ Inombolo ye-akhawunti yaseNedbank: 1190136899

Le akhawunti isetyenziselwa kuphela intlawulo yee-akhawunti kamasipala yarhoqo ngenyanga. Intlawulo kufuneka ibandakanywe inombolo ye-akhawunti enamani ali-12 njengesikhokhelo. UMasipala wase-Overstrand ucela bonke abahlawuli berhafu okokubabagqinisekise okokubabazigquleli iinkcukachazabozentlawulo ukusuka kwi-akhawunti endala yase-Absa bazisa kwi-akhawunti entsha yaseNedbank.

Abahlawuli berhafu abahlawula ii-akhawunti besebenzisa i-intanethi baya khuthazwa okokubahlaziye iinkcukachazabaxhamli babonokusebenzisaiinkcukacha ezintsha ze-akhawunti elungileyo yebhanka xa behlawula i-akhawunti zabo zarhoqo ngenyanga: Inombolo ye-akhawunti yaseNedbank: 1190136899

Uhlobo lwe-akhawunti: I-akhawunti yetshekhi

Ikhawudi yesebe esetyenziswayo: 198765

Iseba: Inland Garden Route

Ikhawudi yeSWIFT: NEDSZAJJ

Izohlwayo zezithuthi zaseOverstrand

→ Inombolo ye-akhawunti yaseNedbank: 1190137186

Le akhawunti isetyenziselwa kuphela intlawulo yezohlwayo zezithuthi zoMasipala wase-Overstrand yaye intlawulo kufuneka ibandakanywe inombolo yesikhombisi enamanani ali-10 ukuya kwi-16 eboniswe kwisohlwayo. Nceda uqaphele yokokuba uphawu “f” akufuneki lubandakanywe kwinombolo yesikhombisi.

Ukuhlaziya kwamaphepha-mvume/ izicwangciso zokwakha / ufakelo olutsha, njl.njl.

→ Inombolo ye-akhawunti yaseNedbank: 1190136678

Le yi-akhawunti ephambili yoMasipala wase-Overstrand yaye ilungiselelwe intlawulo yemirhumo efana nokuhlaziya kwamaphepha - mvume, izicwangciso zokwakha, ukufakelwa okutsha kwamanzi nombane, ukuqaliswa kokusetyenziswa kwesikhophe, ucwangciso lwedolophu, njl.njl. Abaxhamli benkonzo bayacelwa okokuba bafumane inombolo yesikhokhelo kumasipala phambi kokuba badipozithe imali kwezi meko.

I-Onrus Caravan Park

→ Inombolo ye-akhawunti yaseNedbank: 1190137674

Le akhawunti isetyenziselwa kuphela intlawulo yemirhumo yokukampisha ye-Onrus Caravan Park, yaye intlawulo kufuneka ibandakanywe inombolo yokubhukisha.



NEDBANK

IZINJA NAMANXWEME

Ngesicelo sikaSodolophu wesiGqeba uDudley Coetzee, uMasipala wese-Overstrand, esiququzelelwa yiNature's Valley Trust, uya kuqhuba ufundo olulingwayo lweenyanga ezintandathu ngowama-2020 apho amanxweme aya kucandwa ukulungiselela ukunikezela izilwanyana ezingabalo babahlali kunye nesithuba sobomi basendle okokuba bonwabele unxweme lwethu olunesanti ngokulungileyo.

Ulingo luya kuqhutywa kumanxweme aseHermanus, eGansbaai naseKleinmond yaye unxweme ngalunye kula luya kuba nommandla **OLUHLAZA** (ikhululwe intambo), **O-ORENJI** (inentambo) ze **OBOMVU** (akufuneki zinja). Qaphela, nangona izinja kufuneka zibe phantsi kolawulo lwabanini bazo ngalo lonke ixesha nokokuba nguwpuphi na ummandla, ilindle kufuneka lisuswe elunxwemeni.

Umjikelo wokuqala wengxoxo kunye nabachaphazelekayo abafanelekileyo ezinxulumene nolingqo olucetywayo osele luqalisiwe, yaye ucweyo loluntu luya kubanjwa ngesithuba sesiqingatha sesibini sikaJanyuwari 2020 ukwelisa le ngqikelelo. Emva kwangoko, isindululo sokugqibela siya kunikezelwa kuluntu ukufumana izimvo phambi kokuba sithiwe thaca kwiBhunga okokuba lisiqwalasele. Masijolise kumaphepha-ndaba engingqi ukulungiselela ingcaciso engaphezulu kulo mba.

Iingqu kwimithetho yonxweme yesi sithuba solingo iya kuxelwa kumaqonga awahlukene, yaye uphawu olutsha kunye neemaphu ziya kunikezelwa ukulwenza utshintsho lwesithuba esiphakathi lube lolungenaziphene yaye lungabi naluxinzelelo.

Ngokweli thutyana, izinja mazihlale zisentanjeni kuwo onke amanxweme. Qaphela, ngokunjalo, into yokokuba akukho zinja zivunyelweyo kwiGrotto, eHawston, kuNcweme lCastle naseKleinmond ngeli thuba lBlue Flag iphephezelayo.

Abanini bezilwanyana zasekhaya baceliwe ngokunjalo okokuba bangaligqumeleli ilindle lezinja esantini okanye balilahle elwandle: Coca emva kokubainja yakho ingcolisile sebenzisa iingxowa zelindle ekuya kufuneka ilahlwe kumgqomo ofanele oku.

IZINJA KUNYE NEENTAKA ZONXWEME

Iintaka zaselunxwemeni zichaphazeleka kakubi bubukho bezinja kumanxweme: Kwimimandla ethile, impumelelo yokuzala iba phantsi iyokutsho kwi-10%. Oku akubangelwa kukuba iintaka zinokuhlaselwa okanye zenzakaliswe zizinja kodwa kungenxa yokuba amaqondo obushushu elhlotyeni awatshisa amaqanda de afikelelel kwinqondo lokufa kungadlulanga nje nemizuzu emihlanu.

Ngethuba lasehlotyeni iintaka zaselunxwemeni ziyawafukama ukuwagcina amaqanda epholile. Ngoko, ukuba ngaba abazali abafukamayo abahleli emaqandeni basoloko bephazanyiswa, oku kungakufika ngemizuzu nje engephi.

IZINJA EZIHAMBA EFERNKLOOF

Kutshanje, kuchazwe into yokokuba izinja zibonwe zizhambela zingabanjwanga ngentambo kwiziko labatyeleli eFERNKLOOF Nature Reserve. Qaphela into yokokuba nangona izinja zivunyelwe kwiBlue Route, ngokunjalo nakwizitya zezityalo, kufuneka zigcinwe zibotshelwe ngentambo ngawo onke amaxesha.

Nceda uqinisekise ngento yokokuba izinja kwiindlelana ezityunjiweyo, hlonipha imithetho, yaye kufuneka ube nentekelo yabanye abanini bezinja kunye nabasebenzisi bolondolozi lwendalo ngokugcina izinja zikolawulo ngalo lonke ixesha zisentanjeni yaye ziphantsi kolawulo ngawo onke amaxesha. Izinja zamkelekile ngokunjalo eCliff Path uku- ba ngaba zisentanjeni. librowusha zeCliff Path ziyafumaneka kwiziko labatyeleli kugcino.

UKULUNGISWA KWEZINTO EBEZISETYENZISIWE ZIBE NOKUSETYENZISWA KWAKHONA KWASE-OVERSTRAND

Apho sikhoyo nokunikwa kwengcaciso ngokubheka phambili

Umasipala ufumene imibuzo emininzi evela kubahlali ephathelelene nokuvalwa kweWalker Bay Recycling nokungqongphala kwamaziko okulungiswa kwezinto ezisetyenzisiweyo zibe nokusetyenziswa kwakhona.

Nantsi inyaniso:

UMasipala wase-Overstrand akabanga nakho ukunceda nangaluphi na uhlobo loncedo kwiWalker Bay Recycling ngenxa yokokuba bayinkampani yangasese esebenzela kwipropati yangasese yaye ayinaso nasiphi na isivumelwano okanye ikhontarakti kunye nomasipala sokulungiswa kwenkunkuma esetyenzisiwe ze ibe nokusetyenziswa kwakhona. IWalker Bay Recycling yaziwa kwiintlanganiso yethu yokuqala kunye nabo ngento yokokuba asikwazi ukubanjwa naluphi na uhlobo loncedo ngenxa yezithintelo zomthetho. Kuya kufuneka balinge de kwakhiwe iMaterial Recovery Facility (MRF) entsha kamasipala, ngelo xesha ke baya kuba nakho ukufaka ithenda - kunye naye nawuphi na umntu - yokusebenzisa iziko, ukuba ngaba bathabha ukungena kwisivumelwano sokulungiswa kwezinto ebezisetyenzisiwe zibe nokusebenza kwakhona kunye noMasipala wase-Overstrand. Siyazi kananjalo okokuba ukuhla komrhumo ohlawulwa ngetoni wezinto ezinako ukuba zingaguqulwa ziphinde zisetyenzisiwe kube nempembelelo enkulu kukulungela ngokwemali ukuba ngabaguquli benkunkuma eMzantsi Afrika ngokubanzi. Ingakumbi urhwebo lwephepha lukwindawo engentle kakhulu ngokwakaloku nje, njengoko ixabiso lemarike le K4 (ikhadibhodi) libonisa:

Ekuqaleni konyaka ± R1 500/ton
Ekuqaleni kukaNovemba 2019 ± R400/ton
Phakathi kuNovemba 2019 ± R200/ton
Ngokwakaloku nje ± R100/ton

Kwiintlanganiso yeWestern Cape Recycling Action Group ebibanjwe ngoNovemba 2019 eKraaifontein, abazimasileyo baziswa okokuba iikontarakti ezincinane ezingama-35 zokuguqulwa kwenkunkuma zisemngciphekweni wokuvala ngenxa yeemeko ezingamkelekanga zemarike. Ngaphezulu, iImpact Recycling ipapashe into yokokuba baza kuyeka ukuguqula kwepolyethylene terephthalate (PET) kwiziko labo iWadeville.

Inkqubo phambili yeMaterials Recovery Facility (MRF) entsha, ukulahlwa kwenkunkuma luluntu kunye nommandla wokuxosa inkunkuma yasegadini

I-MRF neziphathelane ekulahlwa kuzo liya kuba seSchulphoek Road, esecaleni kwemisebenzi yonyango lwemibhobho yamanzi amdaka, kunye nesibonelelo sokucandwa siya kwakhiwa ecalen kwezakhiwo zonyanzeliso lomthetho eHemel-en-Aarde kwiCampbell Road.

I-Overstrand ijoyine uThungelwano lweZixeko zoYilo lwe-UNESCO

IHermanus kunye needolophana zayo ezisebumelwaneni zichwayite kakhulu kukubandakanywa njengendawo yokufikela yokuqala yoMzantsi Afrika okokuba ijoyine uThungelwano lweZixeko zoYilo lwe-UNESCO njengeCity of Gastronomy. Ulwazi lwenziwa ngomhla wama-30 ku-Oktobha wama-2019 eParis kuthetha ukuba i-Overstrand yindawo yokufikela yesithathu kuphela, emva kweKapa kunye neDurban, ukujoyina olu thungelwano. Olu fezekiso luguqulele ukuqhuba kwimbonakalo yonxweme yoMzantsi Afrika ukususela eRooi Els ukuya eKleinmond nokuqhubeka uye eHermanus, eStanford kunye neGansbaai into kube lunxweme lwezityalo kunye nabavelisi abancinane, amafama, amashishini awayini, imizi yosilo-tywala, iivenkile zaphandle zasefama neendawo zokutyisa ezibambe isithembiso zokuvavisa izityo ezinencasa eya kunanditshwa apha eluhambeni.

Ekufunyanweni kwezi ndaba zilungileyo, uSodolophu wesiGqeba woMasipala wase-Overstrand uDudley Coetzee uthi "sivuye kakhulu sisifezekiso esithe savuza umsebenzi wethu owenziwe ngabantu abaninzi kunye namashishini ekubaluleni amava ezityo ezinikezelwa yi-Overstrand, okanye yiCape Whale Coast ngale ndlela saziwa ngayo".

Iingxoxo eziphathelelene nongeniso lwe-UNESCO ziqalise kwisithuba se-Indaba sowama-2019, ezalandelwa zizincoko ezibalulekileyo emva kwangoko eHermanus.

UDarryl David, umbhali ovunyweyo nomfundisi-ntsapho, wakhokhela ungeniso. Le yimpumelelo kubathandi bentlanzi, kubabhaki beepanikiyiki, kubenzi beyayini, kubasili bebbiya, imizi - mveliso yewiski, izidlakudla, amafama, abagcadi bekofu, abagcini beevenkile eziphathele zasefama, abavuni beziqhamo, kunye nabazamis beembiza.

Ibonise ngokunjalo intsebenziswano phakathi korhulumente kunye necandelo langasese, okokoko kubekho ulwamkelo ngabezopolitiko ngokunjalo nokuboniswa kwendlela amashishini engingqi asebenza ngawo kakuhle ekunikeleni ngamava okupheka adingekayo. Indlela 'yeendawo zethu zokutyala' yokufuna iimveliso kusetyenziswa iinkqubo ezizinzileyo zokutyala ezifana neline la-Abalobi leWWF lidlela indima ukwenzeni oku ukuba kuqhubeka," utshilo uFrieda Lloyd, uMlawuli woKhenketho weCape Whale Coast. Ngokubhekiselele kuye, olu hlobo lomcomi lungqina indlela ingingqi kunye needolophu ezingazimilelisa ngayo ngokuthi zihambe phambili kulwazi lwentsingiselo yehlabathi. "Sincoma lqela leCape Whale Coast ngokwandisa okunikezelwa yiCape Overberg ukuzama ukurhwebesha nokuhenda uluntu ngokubanzi oluphuma kwimarike zethu zengingqi nezehlathi," utshilo uTim Harris, iCEO yeWesgro. "Ukunikwa ingqwalasela yiUNESCO lufezekiso olubalulekileyo yaye luya kunceda ngaphezulu ekuboniseni amaqaga angaziwa kakhulu ale ngingqi."

Le ngqwalasela yehlabathi ivuma ububanzi bencasa enikezelwayo yaye inikezela ngethuba lokuphuhliso okunikezelwayo kurhwebo lolwamkelo, kufuyo nakuluntu lokuloba lobukhulu beCape Whale Coast.

NgeCawa umhla we-19 kuJanyuwari, umdlali wepiyano

ohlonitshwayo lihlabathi uGUSTAVO ROMERO ophuma e-USA uya kudlala kwikonsathi i-all-Beethoven ngentsimbi ye-15:30 kwiCivic Auditorium eHermanus. Amatitiki ali-R150 yaye ayafumanek kwi-Ofisi yoKhenketho kule nombolo yomnxeba 028 312 2629. Ukubuza, tsalela umnxeba uRené du Plooy kule nombolo 082 940 4238.

